



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01 _____/14

Datum: _____, 2016. godine

PRIJEDLOG

Na osnovu člana 8. i člana 13. Zakona o principima lokalne samouprave u FBiH ("Službeni novine FBiH", broj: 49/06) i na osnovu člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj na svojoj ____ sjednici održanoj dana ____ .2016. godine, donosi

ODLUKU

o izmjeni Odluke o nazivima i označavanju ulica, trgova i označavanju objekata brojevima na području Općine Tešanj

Član 1.

Ovom Odlukom mijenja se Odluka o nazivima i označavanju ulica, trgova i označavanju objekata brojevima na području Općine Tešanj donesena je i objavljena u ("Službenom glasniku Općine Tešanj", broj: 3/15).

Član 2.

U članu 8. Odluke o nazivima i označavanju ulica, trgova i označavanju objekata brojevima na području Općine Tešanj ("Službenom glasniku Općine Tešanj", broj: 3/15), **brišu se stav 2., stav 3. i stav 4.**

Član 3.

Ostali dio teksta Odluke ostaje neizmijenjen.

Član 4.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA:

Senad Subašić, dipl.oec.

Obrazloženje

I PRAVNI OSNOV

Pravni osnov za donošenje ove Odluke sadržan je u članu 8. i članu 13. Zakona o principima lokalne samouprave u FBiH ("Službeni novine FBiH", broj: 49/06), te u članu 14. Statuta općine Tešanj ("Službeni glasnik Općine Tešanj", broj: 11/07).

II RAZLOZI DONOŠENJA ODLUKE

Odluka o nazivima i označavanju ulica, trgova i označavanju objekata brojevima na području Općine Tešanj donesena je i objavljena u ("Službenom glasniku Općine Tešanj", broj: 3/15) od 06.04.2015. godine.

U članu 8. Odluke o nazivima i označavanju ulica, trgova i označavanju objekata brojevima na području Općine Tešanj ("Službenom glasniku Općine Tešanj", broj: 3/15) određeno je u stavu 2. da **"Vlasnik katastarske parcele, odnosno objekta za dodjelu kućnog broja, troškove nabavke i postavljanje pločice plaća naknadu."** U stavu 3. člana 8. određeno je da **"Ako se nakon uspostave adresnog registra desi izmjena u nazivu naseljenog mjesta, vlasnik objekta ili katastarske parcele nije dužan snositi troškove iz stava 2. ovog člana."** U stavu 4. član 8. određeno je da se **"Naknada uplaćuje u korist Budžeta općine Tešanj."**

U toku daljih aktivnosti u cilju realizacije obilježavanja naseljenih mjesta kućnim brojevima, a prema planiranom broju objekata koje je potrebno obilježiti, došlo se do zaključka da će se cjelokupan projekat moći finansirati iz donatorskih i sredstava planiranih u budžetu Općine Tešanj.

Općina Tešanj je u Budžetu Općine Tešanj za 2015.g. planirala sredstva za označavanje naseljenih mjesta, ulica, trgova, označavanje objekata brojevima i uspostavu adresnog registra u iznosu od 45.000,00KM, dok je za 2016.g. planiran iznos za ove namjene u visini od 30.000,00KM, što ukupno iznosi 75.000,00KM.

Naknada će se plaćati samo u slučaju potrebe izdavanja uvjerenja o kućnom broju, uz naknadu određenu u Odluci o dopuni i izmjeni Odluke o općinskim administrativnim taksama i naknadama ("Službeni glasnik Općine Tešanj", broj: 6/15).

Slijedom naprijed izloženog, ukazala se potreba za izmjenom Odluke u pogledu obaveze plaćanja naknade za postavljanje kućnog broja, budući da troškove nabavke i postavljanja pločica snosi Općina Tešanj, te se dostavlja ovaj Prijedlog Odluke općinskom vijeću na razmatranje.

OBRADIVAČ:

Služba za katastar, urbanizam
i imovinsko pravne poslove

Nadir Medarić, dipl. ing. geodezije

PREDLAGAČ:

Općinski načelnik

Mr.sci. Suad Huskić, profesor

Broj: 02-31-8-58-78-25/14.
Datum: 16.02.2016. godine